



## KERATAN AKHBAR

AKHBAR	:	SINAR HARIAN		
TARIKH	:	12/7/2019	MUKA SURAT	: 40
JABATAN	:	IWK		
KLASIFIKASI	:	<b>PERHATIAN</b>		

### Tiada kaitan dengan loji kumbahan

**JOHOR BAHRU** - Pencemaran Sungai Danga yang menyebabkan air bertukar menjadi warna hitam tidak mempunyai kaitan dengan kerja-kerja rawatan sisa kumbahan.

Menurut Indah Water Konsortium Sdn Bhd (IWK), semua loji syarikat di sekitar kawasan sungai berkenaan berada dalam keadaan baik dan mematuhi piawaian Jabatan Alam Sekitar (JAS).

"IWK sentiasa memastikan kerja-kerja operasi dan penyelenggaraan di semua 6,700 buah loji di bawah seliaan IWK sentiasa mengikut spesifikasi dan prosedur ditetapkan pihak berkuasa," katanya dalam kenyataan semalam.

Sementara itu, bagi membantu pemuliharaan sungai berkenaan, IWK juga bekerjasama dengan pihak kawal selia seperti JAS, Jabatan Pengairan Dan Saliran (JPS) dan Suruhanjaya Perkhidmatan Air Negara (SPAN).

"Kerjasama turut melibatkan Badan Kawal Selia Air Negeri Johor (Bakaj) dan pihak berkuasa tempatan Majlis Benda-

**PENCEMARAN  
SUNGAI  
DANGA**



Kedadaan air yang bewarna hitam di Sungai Danga.

raya Iskandar Puteri (MBIP) berhubung aduan air Sungai Danga yang bertukar warna kepada hitam dan berbau.

"Malah pasukan IWK Johor turut membantu agensi terbabit mencari punca sebenar pencemaran di sungai itu," katanya.

Sebelum ini, Datuk Bandar Majlis Bandaraya Johor Bahru (MBJB), Datuk Amran A Rahman memberitahu, maklumat awal daripada pihak JPS menyatakan pencemaran berpunca daripada pelepasan akhir loji milik IWK di kawasan Taman Bukit Indah dan Taman Perling.